

續廣達生編

卷之三目次

產要篇

臨產篇

臨產常用藥方

產育脉論三條

離經脉解

臨產吉凶脉訣

臨產要論歌



南京中醫藥大學圖書館版權所有

保產論

難產七因

難產論

難產問

凍產熱產論

盤腸生論

弄產辨論

試水症治

臨產暈脫症辨並治法



南京中醫藥大學圖書館版權所有

血膠難產症治

交骨不開症治

氣結難產症治

乾澀難產症治

救逆產法

救橫產法

救側產法

救礙產法

催生三法



南京中医药大学图书馆版权

逆產橫產症治

盤腸生症治

產難簡便方

產難雜方

催生安胎符式

治橫生倒產符式

死胎辨論症治

下死胎驗案

下死胎簡便方



胎衣不下論並治法

下胞簡便法

小產論

小產症治



續廣達生編卷之三

周登庸先生纂輯

臨產章

同志諸君子重梓

○產要篇

產婦臨盆。必須聽其自然。勿宜催逼。安其神志。勿使驚慌。直待瓜熟蒂圓。自當落矣。所以凡用穩婆。必擇老成忠厚者。預先囑之。及至臨盆。務令從容鎮靜。不得用法催逼。嘗見有穩婆忙冗性急者。恐顧此失彼。強勉試湯。分○之○搯○之○逼○之○使○下○多○致○頭○身○未○順○而○手○足○先○出○或○撲○或○倒○爲○害○不○小○故○未○有○緊○陣○切○不○可○令○其○動○手○卽○有○緊○陣



亦不必動手切記要緊。又嘗見奸詭之婦。故爲哼訝之聲。或輕事報重。以顯己能。以圖酬謝。因致產婦驚疑。唐尤非小極當慎也。

凡孕婦將產。不可占卜問神。如巫覡之徒。哄嚇謀利。妄言

吉凶。產婦聞之。倍生疑懼。因令氣血結滯。多致難產。所

宜戒也。

○臨產篇

凡臨產時。亟齋有六字真言。一曰睡。二曰忍。三曰慢。臨盆。予後有三字寶。曰未離經。較六字真言。更爲親切。蓋

六字真言。出於常人之口。產婦未能深信。三字寶爲醫者之言。不容不信。誠保產金丹。回生上藥。予以此法授人。莫可勝紀。凡臨產家診視。無論脉之滑濇痛之繁緩。但曰未離經。仍囑產婦曰。脉未離經。尙非正產。且脉氣舒徐。定然安吉。惟宜加餐穩卧。俟其時至可也。此何意。蓋產育全賴母氣爲主。產婦聞其脉未離經。知時未到。不敢望其速下。惟安心耐之而已。產婦一安。舉室皆安。庶無倉皇擾攘之患。天下原無難產之事。凡難產而致死者。總由時候未至。倉皇逼迫害之也。始則家長驚張。



不能鎮定。繼則產婦嬌怯。不肯忍痛。或弄產。或轉胞。稍有腹痛。隨卽聲揚。無知穩婆。便稱是產。而試水坐草。一任胡爲。豈知七候未臨。胎氣未足。子在胞中。安然不動。欲令其產。焉可得乎。因其久而不下。產婦則驚懼憂疑。飲食不納。漸至氣怯神昏。常有未產而斃者矣。今臨是證。但曰未離經。惟以大劑甘溫之藥。與之。如八珍十全之類。助其產母之元氣。若是正產。則腹痛陣緊。一陣痛急。自下。倘非正產。則腹痛漸減。漸緩。胎元得暖而安矣。予之所經。穩婆謂頭已平門。予診得脉未離經。用固胎

暖藥而安之。有遲至一月半月十日而產者。已經十數人矣。豈有頭已平門而能倒懸。一月半月之理。卽此可知。穩婆之不足信。不觀巫齋有曰。凡邪淫之婦。私胎並無難產。總因胎起於私。怕人知覺。只得極力忍痛。痛到極熟之時。則脫然而出。此豈有穩婆分掐妙藥催生乎。凡產育能耐心忍痛。聽其自然。則萬舉萬全者。謂藥能催生。予則未敢許也。至催生之法。謂產時胞漿已下。一二時辰不生。方可用之。蓋漿乃養兒之物。漿乾不產。必胎元無力。愈遲則愈乾。力必愈乏。不得不以大補氣血。

之藥助其母力。又惟人參爲至聖。其次則脫花煎。芎歸湯皆可。然亦須子已出胞。交骨既開。門戶已正。方爲有益。若止憑產婦腹痛之言。穩婆頭至之說。妄用催生方藥。不爲無濟。反速其斃。慎之戒之。

臨產有七候。臍腹急痛。腰間重墜。眼中出火。糞門迸急。產戶腫滿。手中指筋脉跳動。胞水合血俱下。方是子出胞時。始可用力。如數證未備。卽一二日。切不可使其努掙。又有胞水已下。兒頭已至產門。三四日仍不下者。因母氣先餒。此時惟人參爲專功。力不能者。大劑八珍湯補。



其元氣調其飲食時至自生

臨產時飲食減少最爲可慮卽宜以獨蔘湯常服不可使
其精力衰乏若交骨不開由氣血衰不能運達宜十全
大補湯助之自開加味芎歸湯亦可

臨產陣痛有一二日有五七日者原非正產驚動大早子
未出胞非難產也但聽其坐卧任意不得扶坐努力而
令其憂疑氣餒惟勸其飲食以葯餌滋補之

臨產子有出戶之勢轉身差緩母力一逼或手或足或橫
或倒又有生路未順兒頭偏柱左右腿畔名曰偏產又

有兒頭偏柱穀道名曰棖後。此數等症。穩婆精巧者。則不須服藥。若穩婆無用者。急扶產母上牀。正身仰臥。厚被覆之。令老成穩婆徐徐往上推之。內服補中益氣湯。升提之。須臾提上。重新轉身。兒頭已對產門。急扶印下。臨產門戶俱正。兒已露頂不下者。此轉身時。臍帶絆其肩也。扶母正身。仰臥。輕輕推兒向上。以手指輕輕按兒肩。去其臍帶。然後用力送下。

○臨產常用藥方

八珍湯 治臨產母氣先餒。數日不下等症。

人蔘

白朮土炒 茯苓

當歸酒洗 白芍酒炒 熟地

川芎

炙草

生姜

硃砂引。

十全大補湯

治臨產氣血不運達等症。

卽上八珍湯加炙黃芪。上青桂。

脫花煎

臨產服之最佳。若加芒硝五錢。下死胎。及胞衣。

來遲。較平胃散加芒硝。功勝百倍。以其葯味甘溫故也。

當歸

錢一 川芎 錢三

肉桂

淮牛膝

錢各二

車前仁

錢半 水煎酒



南京中醫藥大學圖書館版權所有

兌服。○方內當歸一錢。疑有誤。不妨多用數錢。卽用至一兩亦無不可。○氣虛困劇者。宜加入葎二三錢。

獨葎湯 臨產聖方。

人葎二兩水一升。煮四合。溫服。或以煮粥吃亦妙。

芎歸湯 臨產要方。

當歸一兩川芎五錢水煎酒兌服。

加味芎歸湯 卽前方加上青桂二錢。催生但用此方。水

煎酒兌服。立下。若預防血暈。卽於本方再加酒炒荆芥二錢。先將此葎煎好。俟胞衣已下。隨卽服之。永無血暈。



之患效經千百斷不悞人

補中益氣湯 臨產生路未順用此方以升提之

人參 白朮炒 黃芪炙 升麻酒炒 紅胡酒炒 當歸 陳皮

甘草炙 生姜大棗引

臨產代稜湯

蜜芪八錢 白朮三錢 當歸身三錢 茯苓一錢 熟地四錢 炙甘草一錢

益母草二錢 滑石末二錢

產時最宜獨稜湯。但稜不易得今酌定一方代之。且此

湯屆月即可服。



保產無憂方 產亦作生

紫厚朴姜汁炒 蘼艾葉醋炒各七分 當歸酒炒 川芎各錢半 生芪

荊芥穗各八分 川貝母去心淨為末不煎以藥沖服 兔絲子揀淨酒泡各一錢

川羌活 粉甘草各五分 枳殼麪炒六分 白芍酒炒二錢 冬錢

生薑三引 ○體虛者加人蔘二三分

右方專治一切產證胎動能安臨產能催不拘尺分凡胎動不安腰疼腹痛一服即安再服全愈臨產艱危者一服即生橫生逆產久而不下及兒死腹中命在須臾者亦一服即下分量雖輕功效甚大不論強弱老少皆

